

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

De Obligatione Matrimoniali secundum Legem Naturae

Wernher, Johann Balthasar von

Lipsiae, 1698

§. XXII

urn:nbn:de:bsz:31-102612

gumentum, quod pro negativa *Bodin. d. Rep. l. 1. c. 3.* adducit, quod nimirum hoc modo alterutrius conjugum æstimatio minuatur. Nam si intelligit conjugem, cuius culpa locum fecit divortio, jure diminutionem suæ famæ patitur; eamque incurrit, etiamsi nullâ præviâ judicis cognitione, separatio fieret. Sin autem sermo ipsi de parte læsa est; non capio, quomodo magis ipsius æstimatio lædatur, si magistratu causam divortii approbante, se à conjugè separet, quàm si id suo arbitrato faciat; cum hoc casu de justitia causæ dubitari, conjugisque proinde divortium facientis famæ magis periclitari possit.

§. XXII.

Atque hæc circa divortia Jure Naturali ita obtinent. Unde manifestum est, concedi *Grosio* simpliciter non posse, quod asserit *d. J. B. & P. l. 1. c. 11. §. VI. n. 3.* *Divortium tale quid non esse, ut absque lege divina nefas in eo appareat.* Falsum enim hoc esse, læa, quæ hæctenus disputavimus, satis ostendunt; cum Jus N. virum & feminam matrimonium ineuntes in individuam consuetudinem, conspirare velit. Et sanè, si quid video, *Grotius* proprio se gladio jugulat; fatetur enim, divortium ejusmodi quid esse, *ut eo abstinere honestius esse dicit ipsa ratio.* Opinor enim, quicquid honestum, esse recta, h. e. legum naturalium cognitione imbuta ratio dicitur, id Juris Naturalis esse. Nec erat, cur rem comparativè *honestius*, exprimeret. Absurdum enim est, eorum, quæ sibi contrariantur, unum honestum, alterum honestius pronunciare.

§. XXIII.

Similiter valdè errarunt Judæi, dum nescio quam necessitatem sibi impositam finxerunt, ob sterilitatem dimittendi uxorem; quod haud obscurè indicat *Philo Judæus d. special. LL.* cum ita loquitur: *Qui puellas duxerunt incerti de futura fecunditate, si sterilitate tandem deprehensâ, non eis renuntiant, & res suas sibi habere agere sinunt, merentur veniam, quia victi diuturnâ consuetudine amoris, mutuo non valcant vim inferre suis affectibus, impressis jamdudum in animo. Qui autem comperta sterilitatis expetunt ad conjugium, suum hircorumque more quærentes solam venerem, in impiorum album adscribantur, ut Deo repugnantes, cui hominum genitu-*